

# მშენებელი პატრიარქი

იუმორისტ.  
ჟურნალი

№ 30



ო.ი.შლინგ

სადილი ჰაჰანაქება-სიცხეების დროს ქ. თფილისში.



# ს ტ უ ჯ ა რ ი

(Гвоздь сезона!)

დიდის მოკრძალებით უძღვნის ავტორი ამ მცირე ამბავს ჩვენს დამსახურებულს საზოგადო მოღვაწესა და მოაზრეს **გრიგოლ რობაქიძეს.**

— წაიკითხე, ბოშო, გავიგოთ მან-ც რას იწერება.

ქალური ცნობის მოყვარეობით შეეკითხა ქ-ნი კატო თავის მეუღლეს, როცა ნიკომ ლურჯ სარჩულიან პატარა კონვერტს თავი მოახია, წერილი გაშალა და მრავალ-მნიშვნელოვანად დაიძახა: გაბრიელ შიბაქიძესია!

ნიკომ დაიწყო:

„ნიკო! მსურს ზაფხული ამ მტვრიან ქალაქს გარეთ გავატარო. სხვა სოფლებს ისევ ხიზათურა ვამჯობინე. დარწმუნებული ვარ, ჩემი სტუმრობა შენთვის დიდათ სასიხარულო იქნება და ხუთშაბათ საღამოს მელოდე. მართალია შენს მეუღლეს არ ვიცნობ, მაგრამ დარწმუნებული ვარ ის მიცნობს და უმადური ჩემი სტუმრობისა არ იქნება. გაფრთხილებ, ჩემი მატერიალური ბარგი მხოლოდ მეორე კლასის ბილეთია, სხვაზე თქვენ გაძლევთ ნებას იზრუნოთ. მორალურ-ინტელექტუალად ვიმედოვნებ ჩემთან ზაფხულის გატარება და მუსაიფი უნაყოფოდ არ ჩაივლის თქვენი ოჯახისათვის.“

სადგურზე შექვებებთ.

გაბრიელ შიბაქიძე“.

— ახირებულია თქვენმა მზემ! გულდაწყვეტით ჩაილაპარაკა ნიკომ და წერილი ხელში შეაცივდა.

— ნეტავი გამაგებინა, როდის მოასწარი ასე დამეგობრება, რომ შენს თანხმობასაც აღარ უცდის?

შეეკითხა ქ-ნი კატო და ქმარს წერილი ჩამოართვა.

— გარწმუნებ, სულ მეორეჯერ შევხვდი ქართულ კლუბში ამ სამი თვის წინეთ.

— სწორედ ვგ არის, სტეკი და დაგიჯერე!

— ვფიცავ შეილებს, მხოლოდ ორჯერა მყავს ნახული.

— მამას ჩვენა ვყევართ მოძულებული. ხუმრობით შენიშნა პატარა ელიკომ.

— რა ვქნა, როგორ დავარწმუნოთ: პირველად ვნახე აკაკის დასაფლავებაზე და მეორეჯერ ამ სამი თვის წინათ კლუბში, ვახშამზე მიგვიწვია.

— აჰა! როგორც ეტყობა დავალებული ყოფილხარ.

— რის დავალებული, ადამიანო? მიგვიწვია, თორემ გადახდით ფული მე გადავიხადე—ნებას გაძლევთ გაუსწორდეთო—გვითხრა და თითონ ვილაც გოგოს გაედევნა.

— მიკვირს ღმერთმანი! თუ ეგრეა როგორ ბედავს უცნობ ოჯახში ასე დაუპატრებლათ ჩამოსახლებას?

— რა გაეწყობა, უარს ხომ ვერ ვეტყვით. რაც უნდა იყოს შიბაქიძეა!

— მართლაც უხერხულია, დედი. თითონ არ უნდა ეკადრებია ასეთ უცნობ ოჯახში ჩამოჩხირვა, მაგრამ რაკი არ შერცხვა, ახლა რალა გაეწყობა. ჩაერთა ლაპარაკში ნიკოს უფროსი ვაჟი ლეო.

### პირველი დღე.

— ადგა, შეილო?

— არა, დედი, არა. წუხელ მითხრა,—მე სხვანაირი ვალვიძება ვიცი, ჯერ მარცხენა თვალს გავახელ, ნახევარი საათის შემდეგ მარჯვენას და შემდეგ ავდგებიო. მამას უთხრა—დილას ხმაურობა ნუ იქნებაო.

— მაშ როგორა ნებაგს, ჩვენც ათ საათამდე ვიწვეთ და ცალ-ცალკე ვახილოთ თვალები?

— ჩუმათ დედილო, ვგონებ იღვიძებს!

— არამც გამოუღვიძია! მაგის გულისთვის ოთახში ვეღარ გაგვივლია.

— ლეო! მოისმა გაბრიელის ოთახიდან.

— აი, გესმის, ორიგ თვალით გაუღვიძია.

ლეომ მოკრძალებით შეალო კარები და შევიდა. გაბრიელი ჯერ კიდევ იწვა და ზანტათ იზმორებოდა „აისედორა ღუნკანსავით“, როგორც თვითონ ეძახის.

— ერთი დიდი სარკე უნდა შემომიტანო.

— ეხლავე!

ლეომ დიდის გაქვივრებით შეიტანა გაბრიელის ოთახში უზარ მაზარი კედლის სარკე.

— რავექნა, რატომ არ გამოდის, შეილო? ამდენი ხანია საუზმე მზათ არის. ვგონებ ჩქარა სადილობის დროა. რა დავმართა რომ არ ვიცი?



— საათ ნახევარია სარკესთან ზის და რაღაცას აკეთებს დედი. არ ვიცი, ვერც შე ვერაფერი გავიგე.

— ფერ უმარულს ხომ არ იკეთებს ნეტავი?

— ვგონებ არც უმაგისობა!

— ეს რა ხათბალა შეგვემთხვა, ღმერთო დიდებულო!

— ახლა წუხილი აღარაფერს უშველის დე. დიკო. ეს ორი თვე როგორმე უნდა ვაუფდლოთ ამშვიდებდა დედას უფროსი ვაჟი.

— რას ამბობ ბიჭო? ღმერთმა დაიფაროს მაგისი ორი თვით აქ დარჩენა!

— რავენა, ძალათ ხომ ვერ გააგდებ და თავისი ნებით არ წავა!

### მეორე დღეს სადილზე.

— ქართლი ამ მხრივ ჩამორჩენილია! — დინჯათ დაიწყო გაბრიელმა — შარშანდელი ზაფხული კნენა ფეფოსთან გავატარე ქვიშეთში და ლამის შიმშილით მომკლეს.

— ქართლებების პურ-მარილი ჩვენში ნაქეზია.

შენიშნა ნიკომ.

— პური და მარილი რამდენიც გნებაეს, სხვა კი არაფერი.

— რითაც შეუძლიათ, იმით სცემენ პატისს. ჩამოურია კატომ.

— რასაკვირველია, მაგრამ ყველასთან ერთგვარი მოპყრობა არ შეიძლება: მეც სტუმარი ვარ და ივანე ხიდაძეც. მე თუ კი ვეცი უდიდესი პატივი და სამი თვის ჩემთან მუსაიფი ვაჩუქე, სამაგიეროდ ამის შესაფერი უნდა იყოს.

— ძნელია უცნობი პირის ხელის შეწყობა. ყველაფერს ისე რასაკვირველია ვერ აუსრულებ, როგორც მას ესამოგნება. გამოეპასუხა ქნი კატომ.

— როცა ვერ სცემ შესაფერ პატისს, ბოდში მაინც უნდა მოიხადო. ჯერ შორს არის ის ბედნიერი დრო, როცა გერმანიის სტუმართმოყვარეობა და თავაზიანობა ჩვენში ფებს მოიკიდებს. წარმოსთქვა გაბრიელმა.

### მეათე დღეს.

— რაზედ დავიძახა, შეილო?

— გაჩუქე, დედი, ეგ ბავშვი. — ჯერ მთელი დამე კილი დამკარგვია და ახლა ფიქრს მიშლისო...

— რავე, ხომ არ გაგიყებულა ვიღაცა ოხერია! ჩილი ბავშვი იტირებს მაშ რას იზამს.

— ჰოდა ისიც მაგას ამბობს.

— მერე?

— მერე ისა, რომ ამ ორი თვით უქირავეთ ვინმე ძიძა და წაიყვანეთ სადმე ახლო სოფელში, ნუთუ არ შეგიძლიათ საქართველოს უდიდეს შვილს ორი თვით მყუდროება მისცეთო.

— რას ლაპარაკობ ბიჭო, ვიღაც მოთრეული უსაქმურის გულისთვის ბალანას გადავადგდებ? რატომ არ აეთრევა, აგერ მეთორმეტე საათი დაიწყო.

— არც პირველზე აპირობს მგონი. — უძილობა თვალებს სწყენსო.

— უთხარი მამაშენს, რავეც მოათრია, ისე გადაათრიოს აქედან. ვიღაც ვიგინდარა კი არა ჩემიანის რჩენა მეძნელება.

— რას ლაპარაკობ დედილო! საწყალი მამა წუხელ ისე გააბრუა ლაპარაკით, რომ მთელი დამე თავი სტკიოდა. დღეს აღარ ვიცი სამსახურს როგორ გაუძლებს.

— აგია ბიჭო, შენი ფილოსოფოსობა?

— კარგი, კარგი დედიკო, ვინ იცის, იქნება მართლაც თითონაც ქე ისინდისოს და წავიდეს.

— არა შეილო, მაგას ამფერი ნიშანი არ ეტყობა. ამხელა კაცი სხვას რავე უნდა ჩამოეკიდოს მუქთა ხორათ და თუ ჩამოეკიდება გაჩუმდეს მაინც.

### პირველი თვის ბოლო.

— ახლა რაღა მინდაო?

— აღარ ვიცი ღმერთმანი, რა წყალში ჩავარდე! დამე ჩამიჯდება და ლაპარაკს აღარ გაათავებს. მოშორება ქე მცხვენია. ვზივარ და ვუგდებ ყურს. გაღის თორმეტი, პირველი, მეორე... ვწვები გათენებისას და უნდა წამოვხე ორი საათის შემდეგ. თითონ კი ხვრინავს პირველ სათამდე.

— აღამიანო, აღარ ფიქრობს წასვლას?

— რის წასვლა, რას ლაპარაკობ! წელან მითხრა: — კარგი კი იქნება თქვენი მეუღლე თუ დასკლის ამ ოთახს, რადგან ერთ ოთახში ჰაერი ცოტაა და სუნთქვას მიძნელებსო.

— სხვა არაფერი უნდა?

— ნუ გეშინია, არც სხვაზე მოიმორცხვებს. — დღეს ინდოურის საცივი გააკეთეთ და მეოთხე ნომერი „კახეთის“ ღვინო იყიდეთო.

— ხვალ შე პერევისაში მივდივარ დედასთან, შეიღებოც მიმყავს.



— ეს მართლა ჩინებული აზრია. ლეოს თფილისში გავვზავნი. ალბათ მიხედვება, რომ დასტანჯა მთელი ოჯახი.

იმედინათ შენიშნა ნიკომ.

**მეორე თავი.**

— თქვენი სახლობა რო წავიდა, ცოტა ნერვები დამიმშვიდდა. დარბაისელები კილოთი წარმოსთქვა გაბრიელმა და ღონიერათ ამოისუნთქა. — ჰაერიც თითქო მტრია ახლა.

— ხვალ კიდევ მტრი იქნება. ლეო ქალაქს აპირობს.

— ოჰო, ჩინებულია! ჩემი ტუფლები არ დაავიწყდეს ვანოსთან არის დატოვებული.

— აქ აღარ ჩამობრუნდება, პირდაპირ იქიდან მოსკოვს წავა.

— წავა; კი წავა, მაგრამ ტუფლებს ვილა ჩამოიტანს?

— რა გავწყობა, როგორმე უნდა მოვახერხოთ.

— კარგია, თუ შენი ტუფლები მერგო, მაგრამ ვიწრო, ან ღიდრონი რო დარჩეს? მართლა აქ არის იქნებ ვინმე მეჩემე? დაიბარე ხვალ დილით და შეუკვეთე.

**მესამე კვირის შემდეგ.**

— ლეო ძლიერ საჭირო იყო თურმე ჩვენი კეთილდღეობისათვის. შენ საქმე გაქვს და მე კი ჩემის ხელით პირის ბანას მიჩვეული არა ვარ.

— ხვალ დილით მეც ქუთაისში ვარ დაბარებული. ორი კვირა დავრჩები.

— როგორ, მაშ მე თქვენი მოურავი ვყოფილვარ. არ დაგამადლიდით. იცით რომ თავისუფლება მიყვარს და სარგებლობთ ჩემი სისუსტით. დღეს სადმე ერთი ჩვილი გოჭი იყადე და შეაწვევინე. მიკვირს ზოგიერთს რატომ უფრო უყვარს მოხარული გოჭი. ყიფიანის ღვიზოს აქებენ მგონი. ხუთმეტრიოდ ბოთლი დასტოვე წასვლისას, თორემ ამ ორ კვირას უზიარებლათ დავრჩები.

**დასასრული.**

— მოახსენთ დიასახლისს და თქვენს ბატონს, რომ სამწუხაროთ დრო ნებას არ მაძლევს კიდევ რამოდენიმე დღით დავრჩე და მათ უკანასკნელი დღის სიამოვნება მაინც მივანიჭო ჩემთან მუსაიდით, დიდის რიხიანობით ეუბნებოდა ბ-ნი გაბრიელი ნიკოს შესახურებს. — თუ ამ სალდათობას

გადაურჩი უბატოცემულოთ არც შემდეგში დავსტოვებ და ზაფხულს მუდამ აქ გავატარებ. ახლა საჭიროა თქვენ ერთმანეთ შორის ჩემთვის სამგზავრო ფულები მოაგროვოთ. მუშები მუდამ ტრახახობთ და აი ახლა მოგეცათ შემთხვევა მონაწილეობა მიიღოთ ჩვენი ქვეყნის კულტურულ აღორძინებაში.

ეშმაკ ნიკოს უკვე დაეტოვებია მსახურთათვის საჭირო გზის ფული და სწორეთ მესამოცე დღეს ჩვენი მოღვაწე გაბრიელი თფილისისკენ გამოემგზავრა საღამოს მატარებლით.

ეშმაკი.



**პატარა ფელეტონი**

**მაღლობა ღმერთს!**

ქართველ-სომეხთა უთანხმოებას უკვე ბოლო მოეღო. დღეიდან ორ ნათესავ და მეზობელ ერთა შორის აღარავითარ უსიამოვნებას ადგილი აღარ ექნება. „ჰორიზონი“ და „სახალხო ფურცელი“ ერთა რედაქციით გამოვა.

რა მოხდა?

უდიდესი ამბავი ჩვენს ცხოვრებაში. ქართველი ერის, ანუ უკეთ რომ ვსთქვათ არჩილ ჯაჯანაშვილის მოთხოვნილებანი, გამოთქმულ უკვდავ წერილში: „რას ეღავებიან ქართველები სომხებს?“ და მოთავსებული „სახალხო ფურცლის“ 624 ნომერში, სავსებით მიიღო სომხეთის ერმა. არა თუ მიიღეს იმ რედაქციით, რომელსაც ქართველი ერის კანონიერი წარმომადგენელი მათ უკარნახებდა, პირიქით კიდევაც შეავსეს სხვა და სხვა, ჩვენთვის სასარგებლო კომენტარებით.

გავეცნოთ საკითხს მუხლ და მუხლ.

**მუხლი პირველი:**

უმთავრესი ძარღვი ქართველ-სომეხთა უთანხმოებისა, როგორც სამართლიანად აღნიშნავს უნიკიერესი პუბლიცისტი „სახალხო ფურცლისა“, მდგომარეობს შემდეგში:



— თფილისი საქართველოს დედა-ქალაქია, — ამბობენ ქართველები.

— თფილისი კავკასიის ძველი ქალაქია, — ამბობდნენ სომხები.

ღიას ამბობდნენ, ვინაიდან არჩილ ჯაჯანაშვილის წერილის შემდეგ „სომხური საზოგადოებრივი აზროვნების ფხიზელმა წარმომადგენელმა“ გაზეთმა „ჰორიზონმა“ ბრძანა:

— დღეიდან ქ. თფილისს ეწოდოს: „საქართველოს დედა-ქალაქი უძველესი ტფილისი, მდებარე მდ. მტკვრის ნაპირად, სოლოლაკის ჩრდილო-დასავლეთით“.

ამგვართ უმთავრესი მიზეზი სომეხ-ქართველთა უთანხმოებისა უკვე მოისპო.

**მუხლი მეორე.**

— არსებობს საქართველო, როგორც განსაზღვრული გეოგრაფიული ერთეული.

ვამბობთ ჩვენ ქართველები.

„ჰორიზონმა“ ეს მუხლიც გაათართოვა ჩვენდა სასარგებლოთ. სახელდობრ აი ასე:

— არსებობს საქართველო, როგორც გეოგრაფიული ერთეული, მდებარე 41—43 გრადუსთა შორის ჩრდილოეთ სივრცისა და 16—10 გრადუსთა შორის აღმოსავლეთ სივრცისა“.

კამათი ზედმეტია. ვინ უნდა იყოს ისეთი ქართველი, რომელმაც ამას ორივე ხელი სიამოვნებით არ მოაწეროს.

**მუხლი მესამე.**

— საქართველოსა აქვს პოლიტიკური ინტერესი. ამბობენ ქართველები.

— საქართველოსა აქვს პოლიტიკური ინტერესები, ჰყავს მრავალი პოლიტიკური დამნაშვე და შეუძლია იქონიოს ეკონომიური ინტერესებიც.

განმარტავს მესამე მუხლს გაზ. „ჰორიზონი“.

**მუხლი მეოთხე.**

— ქართველებისათვის უპირველესად ყოვლისა არსებობს ცნება საქართველოსა, რომლის ადგილსაც ვერავითარი სხვა ცნება ვერ დაიჭერს.

ამბობს ბ-ნი ჯაჯანაშვილის დეკლარაცია საქართველოს უფლებათა შესახებ.

გაზეთი „ჰორიზონი“ ამ მუხლსაც სავსებით დედულობს და დასძენს:

„მოისპოს ხმარებაში სიტყვები: ივერია, გრუზია, გეორგია, გურჯისტანი, და სომხური გამოთქმა საქართველოსი“.

ამასთან ერთად „სომეხთა საზოგადოებრივი ხაზის ფხიზელმა დარაჯმა“, გაზეთი „ჰორიზონის“ რედაქციამ განსაკუთრებული ცირკულიარი გაუგზავნა „საქართველოს დედა-ქალაქის ტფილისის“) მოუტრავს სანდრო ვანოს ძეს ხატისაშვილს, რომ თავის სიტყვებში მან უცილობლათ იხელმძღვანელოს ზემო აღნიშნული განმარტებებით და ააცილოს სომხის ერს ის უბედურობა, რომელზედაც წინააღმდეგ შემთხვევაში უთითებს საქართველოს წარმომადგენელი ბ. არ. ჯაჯანაშვილი.

ბ-ნი ჯაჯანაშვილი კი აი რას წინასწარმეტყველობდა:

„მაშინ ძალა ქართველების წინააღმდეგობისა უფრო გაიზრდება და სომეხ-ქართველთა გამწვავება უკიდურესობამდე მივა. თუ ახლა ასეა, შემდეგში უარესი იქნება, რადგანაც ქართული ეროვნულ-პოლიტიკური შეგნება უფრო გაიზრდება“).

როგორც ხედავთ ეს შავი არჩილი მომავლისა ისე გააქრა, როგორც საღი მოსაზრება ბ-ნი ჯაჯანაშვილის წერილებში. სომხებმა სავსებით დააკმაყოფილეს „სახალხო ფურცლის“ „ჩიტირეკია“ პოლიტიკოსების მოთხოვნილება, ვინაიდან ის სადაო არასოდეს არ ყოფილა.

მორიელი.



# ჭრელი ავბაბი

მიუხედავად იმისა, რომ...

„ეშმაკის მათრახის“ რედაქცია ძირიან-ფესვიანათ ააღელვა ერთმა მოულოდნელმა გარემოებამ. თურმე, ჩვენი ჟურნალის ხელმძღვანელი და თანამშრომელი „თაგუნა“, არც მეტი, არც ნაკლები, ი. ხარდალიშვილი ყოფილა!

ბ-ნი ეშმაკი ერთობ განცვიფრებული დარჩა, როცა ხარფუხოვის კლუბში ბ-ნმა ხარდალიშვილმა

\*) სიტყვა თფილისსაც „ჰორიზონელები“ დღეიდან „სახალხო ფურცლის“ მსგავსად „ტფილისად“ სწერენ.

\*\*) არ გაზარდოს ჩემმა გამჩენმა!

ეშმაკი.



წაიკითხა თავისი ლექსები: „ხაშურის“ შესახებ, „ფუტურისტების მიბაძვა“ და სხვ. ეს ლექსები და თვით ფსევდონიმი დღემდე თურმე ქურდულათ მითვისებული ჰქონდა ერთ-ერთ პირს, რომლის ვინაობას აქ აღარ ვასახელებთ. ვინაიდან ისიც ეყოფა სასჯელათ, რომ გაიგებს რაზომ სახიფათოა სხვისი ნაწარმოების მითვისება.

თუ ეს მართლაც ასე არ იყოს, ბ-ნი ზარდალიშვილი უთუოდ იტყოდა, როცა აღნიშნულ ლექსებს კითხულობდა ჯერ ხარფუხოვის და შემდეგ ახალ კლუბში, რომ ეს ლექსები „თავუნას“ ეკუთვნის და მე „თავუნა“ არა ვარო.

სჩანს ჩვენ იმდენ ხანს გვატყუებდენ.

**გამოცნობა მართლა ძნელი ყოფილა.**

ვაზეთი „სამშობლო“ ჩვენზე უკეთეს პირობებში დიხაზ არ არის. ჩვენ თუ „თავუნა“ სხვა გვეგონა და ნამდვილათ კი ბ-ნი ზარდალიშვილი აღმოჩნდა, „სამშობლოს“ პატივცემულ რედაქციას გრ. გველესიანი, ი. გრიშაშვილი და სხვ. ქართველები ჰგონებია. ეს შეცდომაა. კარგა ხანია გამოაშკარადა, რომ ბ-ნი ა. გრიშაშვილი სომეხი ყოფილა, ტრაპიზონის ვილაეთიდან, ხოლო გრ. გველესიანი კი — ქურთი. დანარჩენების შესახებ ზემო აღნიშნული რედაქცია ცნობებს აგროეებს „მშაკისა“ და „ჰორიზონის“ დახმარებით.

ხალხში შემამარწუნებელი ხმები დადის. ქართველ დედაკაცებს, (უმთავრესად ხანში შესულთ, ე. ი. ქმარ-შვილიანებს) გადაუწყვეტიათ უკანვე მოსთხოვონ მგოსანს ი. გრიშაშვილს ის „კოცნა“, რომელიც მათ მისთვის უსესხებიათ.

ან კი რატომ უნდა შეარჩინონ ვილაც გადამთიელ სომეხს! ეროვნული თვით-გამორკვევა ჩვენი მაღალი წოდების კეკელებშია იკიდებს ფეხს.

ძირს მესამე დასი!

**დიდი თბა და გრძელი უღვაშიში.**

თფილისის სააზნაურო გიმნაზიაში მთელი თვის განმავლობაში ბრძოლა იყო გაჩაღებული, რასაკვირველია ბ-ნ ებიტაშვილისა და ა. მდივანის გარშემო, ფულუბის უწესრიგოთ მოხმარების შესახებ.

ამის გამო ბევრი დაიწერა, ხოლო ათჯერ ბევრი ითქვა, ასე რომ კითხვა უკვე გამორკვეულათ უნდა ჩაითვალოს: ებიტაშვილმა გაფლანგა ფულუბი, მდივანმა ვერ დაუშალა. საქმე ამით დაბოლოვდა.

სამაგიეროთ, სწავლის საქმე რომ მომავალში სასურველათ სწარმოებდეს, დაითხოვეს ორი მასწავლებელი. ბ-ნი ქადაგიძე (გარიყრაყზე) გრძელი უღვაშების ტარებისათვის, ხოლო ბ-ნი ახმეტელაშვილი — დიდი თმისათვის, ვინაიდან თანამედროვე აზრის მიხედვით დიდი თმა ნიშანია ერთი მიმართულებისა.

**ტპის გავლენა.**

ვაზეთ „საქართველოს“ უკანასკნელ ნომერში მოთავსებული იყო მშვენიერი წერილი ჩვენი ცნობილი აგრონომის ბ-ნ გ. ქ—სა „ტყე“ . ავტორი სამართლიანად უცაცხანებდა ჩვენი ქალაქის მამებს, რომელთაც ვერ შეინახეს თფილისის გარშემო ვახტანგ გორგასლანისაგან დატოვებული ტყე და ამასთან ერთად აღნიშნავდა იმ სარგებლობას, რომელიც მოაქვს საზოგადოთ ტყეს.

ამ აუროცხელ ფაქტებს მე მინდა დავსძინო ერთი, სრულიად ახალი მაგალითი. სახელდობრ: **რა გავლენა ახდენს ტყე მგოსანთა დაქანცულ აზროვნებაზე** საილიუსტრაციოთ მოვიყვან „სახალხო ფურცლის“ მე-626 ნომერში მოთავსებულ ბ-ნ ი. გრიშაშვილის ლექსს.

წადგერის ტყეებს ჩვენს „ენებათა მგოსანზე“ პირდაპირ მაცოცხლებელი, გაღვინა მოუხდენია და თავის მშვენიერ ლექსს ასეთი მარგალიტებით აბოლოვებს:

„მე აქ დავიდეამ—მხოლოდ აქ! აქ! —  
 მგოსნურ გვირგვინსა,  
 აქ მიყვარს ბოდვა კაზმულ ვნით,  
 რადგან ჩემს ტვინსა  
 არა აქვს ფიჭვი აზრიანი, დარბაისლური“.

წადგერი.


ი. გრიშაშვილი.

(„სახ. ფურ.“ № 626).

ვერ აგვიახსნია მხოლოდ ერთი წინააღმდეგობა: ტყეთა სივრცის შემცირებასთან რათ იმატა ჩვენში მგოსანთა რიცხვმა?!

ხომ არ ინებებს ჩვენი პატივცემული აგრონომი ბ-ნი გ. ქ. ამ საკითხზე ერთი „ვიცე მეთაურის“ დაწერას? ჩვენ რასაკვირველია მაღლობელი ვიქნებით.

მახათი.





# ერთი გავლით

(კვანის)

კვირა დღეა. ტანჯული გულის გასართობათ გავეშურე კვანის ძველი სამკითხველოსაკენ. მივდევარ ნელი ნაბიჯით, თავ-ჩაქინდრული. ქალწულეობით სახევა კვანის მარად ჟამ მხიარული ქუჩები. ყოველი მხრიდან მოისმის სხვა და სხვა ჰანგზე ულის აშაღლელებელი სიმღერები. გულ-დათუთქული განვმორდი მათ ნაადრევ ზეიმს, და გავეშურე გმყუდრო ალაგისაკენ, ვით მწირი მიყრუებულ უდაბნოსა. ის იყო უნდა დამეტოვებინა ის წყეული ალაგი და განმევრძო სევდით მოცული გზა, რომ უეცრივ შენომესმა მეზობელ ეზოდან ქალწულთა სევდიანი სიმღერა, რომელმაც ცოტა არ იყოს მეც ამათრათოლა. საჩქაროთ მივიწიე ყურის დასაგდებათ. გულ-დასმით მიწოდდა გამეგო შაიი გაქივრება. აი როგორი „მწუხარება“ და „გლოვა“ ისმოდა მათი სევდიანი სიმღერიდან:

ოხ, რა დღეში ვიყოფებით  
 ვაი ჩენი ბრალი,  
 თან და თან გულში გვიღვივა  
 გიჟურ ტრფობის ალი.  
 დაგვებნა და დაგვებლართა  
 სიყვარულის კვალი, —  
 სატრფო ომში გაიწვიეს  
 და დაგვიფსეს თვალი.  
 რა ვქნა აწი, სად წავიდეთ  
 წყეულ-უღლები,  
 ტრფობის სხივით დანაშთრალნი,  
 ლანდათ ქცეულები.  
 ვინ გაგვიწიეს მფარველობას,  
 სად ვიშოვოთ ცალი,  
 დაგელოცოს, ღმერთო, შენი  
 დიდი სმართალი.  
 იქიდანაც მალე ვქვენი  
 სახლისაკენ პირი,  
 და მას შემდეგ გულ-მოკლული,  
 იმ დღის ხალხსა ვსტირი.\*)

კვანელი ბჭიკი.

# გზა და გზა

(სიტყვების ასხნა)

ბაღაბანა. ამხანაგობა „დარიალ“ ორი სიტყვი-საგან შესდგება. პირველი სიტყვა „დარი“ შთამომავლობით რუსულია. ქართულათ — აჩუქე, მეორე სიტყვა „ალ“ თათრულია. ქართულათ — აიღე. ამიტომ ადვილი გასაგებია, თუ აქ რაზედაა ლაპარაკი. მუშა



ერთგულად ეკადება, თუმცა მართალი რომა ესთქვათ ხაზინიცი პირნათლად ასრულებს უკანასკნელი სიტყვით დაკისრებულ ვალდებულობას და ნაჩუქრის აღებაზე უარს არ ამბობს. ალბათ მუშის თავმოყვარეობის შელახვისა ერიდება. სამწუხარო მხოლოდ ის არის, რომ მუშებს ბევრი ვერაფერი უჩუქებიათ. სულ რაღაც ორმოცდა ათიოდ ათას მანეთამდე ყოფილა წარსული წლის ამხანაგობის მოგება. აქვე დამეინტერესა გავება იმისა, თუ რა და რა ორგანიზაციისაკენ მიისწრაფიან ამ სისხლის წვიმების დროს ჩვენი მუშები და სიამოვნებით შემიძლია აღენიშნო, რომ გრუზინსკოელებში ზოგიერთ მოსამსახურეთა და მუშებთა შორის ძლიერია ლატარიის მოთამაშეთა ორგანიზაცია. რა ვინდა, რომ აქ არ გაეთამაშებიოთ: გარმონი, ძველი შარვალი...

ვორონცოველებში კი ძლიერია მშენიერი ქესის მიმდევართა პარტია. ამბობენ, ლანდევანი და ლანდშტურმნი რაზმებიც ყავთო. ცხენების სიძვირის გამო კავალერია არ ყავთ, მაგრამ ვინ არ იცის, რომ ორგანიზაციებს საზოგადოთ რამდენიმე ვირი ყოველთვის მოეპოება და მაშასადამე რამოდენიმე მათრახიცაა საჭირო. ბ. ეშმაკი რომ მის თილისმიან მათრახს შეელოდეს ხომ ყველას ეყოფოდა. წინააღმდეგ შემთხვევაში შეიძლება ვეფხის ტყაოსნის მკვლევარმა ბ. კაკაბაძემ აგვიწეროს რისგან დაწული მათრახი მისცა წარსულ საუკუნეში, შოთა რუსთაველმა ტარიელს, რომლითაც ეს უკანასკნელი სასწაულს ახდენდა და თუ არც ეს შეიძლება, ვინაა ქრისტიანი, რომ დაგვავალოს და ამ გვარ შემთხვევისათვის საჭირო მათრახის ნიმუშში დაგვიხატოს.

ლია.

\*) „ეშმაკის მათრახის“ რედაქცია ბეჭდავს ამ წერს და თანაც გაცნობებთ, რომ ვინაიდან ძველებური ტირილი უკვე გადავარდა მთელს იმერეთ ამერეთში, ამგვარი წერილები იშვიათად დაიბეჭდება. მკითხველებს თვალეზი გაუფუძღვება, სხვა რომ არა იყოს რა.





# თელავი

როდესაც საზაფხულოთ თელავისაკენ გამოვემგზავრე, სახეში მქონდა პატარა, პროვინციალური ქალაქი, სადაც ასე თუ ისე შეუძლია გაჭივრებულ კაცს ზაფხულის სამი თვე მაინც გაატაროს.

მაგრამ, როცა მე თელავში მოვედი, რამოდენიმე დღე ვიცხოვრე, აქაურობას თვალი მივავლო მოვავლე, მყის შეენიშნე ჩემი მიუტყევებელი შეცდომა. პატარა თელავი არა თუ მარტო უბრალო სამაზრო ქალაქია, არა, ათასჯერ არა... ის საუცხოვო აგარაკი, წმინდა ევროპიული კურორტია.

მერმე სად იყვენ ამდენ ხანს ისინი, ვისაც ბედმა ჩემზე ადრე არგუნა თელავის ნახვა? სადიყო „კავკასიის მოაგარაკეთა საზოგადოება“, რომ ვერ შენიშნა ეს მარგალიტი ალაზნის ველისა და თვალი სრულიად კავკასიისა! მოდი და ნუ აღშფოთდები, ნუ უსაყვედურებ მათ, ვინც უკვე იცოდა ქ. თელავის არსებობა და დღემდე ამის შესახებ ხმას არ იღებდა, ცხრა მეთედს ქართველობისას უმაღლავდა მის ღირსებებს.

მე დაფარვა არ შემიძლია!

გაშენებულია ეს ჩინებული აგარაკი (ნება მიბოძეთ დღეიდან მას „აგარაკი“ ვუწოდო) საუცხოვო თვალ-წარმტაც ფერდობზე და ფეხის შებიჯებით

სათანავე თქვენს გრძნობებს ჰხიბლავს ქალწულებრივი სიწმინდე ჰაერისა, რომელსაც არ გაჰკარებია ქვეყნის გაჩენიდან არც ერთი ნამცეცი მტვერისა. (იხილეთ სურათი 1).

გულშემატყვიარი, გულკეთილი და გულმოდგინე დიასახლისები ყოველგვარი ღონისძიებით ცდილობენ აგარაკს სახელი გაუკეთონ და ამ მიზნის მისაღწევათ ისინი დედობრი-



ვის მზრუნველობით ექიმობენ ყველა გამწვანებულ-გამომწვანებულს ცნობილი კნეიპის სისტემის მიხედვით: თფილი თუ ცივი წყლით. (იხილე სურათი 2.)

ყოველგვარი ტალახი: წყალტუბოისა, აბტალი-სა, ევატორიისა, შეუდარებელია თელავის ტალახებთან, რომლითაც მკვიდრნი და მოაგარაკენი ხელ-გაშლით სარგებლობენ სრულიად უსასყიდლოთ (იხ. სურ. 3).


სრულიად უფასო და უმაგალითო გიმნასტიუ-რი სავარჯიშო აქვს ყველა მოაგარაკეს ქალაქის განაპირა უბნებში, ზოგჯერ თვით „ბულვარის“ მახლობლათაც, მაგრამ ასეთი ვარჯიშობა ექიმთა დაუ-სწრებლათ არც თუ სრულიად უზიფათოა. (იხილე სურათი 4).

ადგილობრივი მცხოვრებნი ყოველგვარი ღონისძიებით ცდილობენ ხელოვნურათ შეავსონ და შეაზავონ ისედაც აზონით მდიდარი ჰაერი აგარაკი-სა, სხვა და სხვა უფაქიზესი სურნელოვანებით (იხ. სურ. 5, გვერდი 16).

ყოველივე ამის შემდეგ, გამოვა ვინმე რე-გვენი და იტყვის: ქალაქის მამები უმოქმედოთ სხე-დან, მათ სალათას ძილით სძინავთო (იხ. სურ. 6, გვერდი 16).

ჩვენ ვეცდებით კვლავაც მივაწოდოთ მკითხველებს ცნობე-ბი ამ ახალი აგარაკის შესახებ.

ოსკარ შლინგი.





# გახმაროს

ბუნების ძალთა უსაზღოროების  
 არსო ხმელეთის თაიგულათა,  
 აგარაკთ შორის უპირველესო,  
 მათი მეფობა გმეენის სრულათა,  
 სიტურფეს შენსა სრულად ვერ ასწერს  
 არა თუ ჩემი უბრალო ენა,  
 ვფიქრობ: მგოსანიც ვერ შესძლებს ამას,  
 და პოეტური ზე აღმაფრენა.

მე მხოლოდ ვიცი უცხო ქვეყნების  
 ბაღია-წალკოტის სხვადასხვა მხარე,  
 რომელთა ნახვა მარგუნა ბედმა,  
 შემთხვევა მქონდა და მოვიარე:

„ტყე-ბულონისა“, ფრანგთა შამბნარი  
 და „ჰაიდ-პარკი“ ბრიტანიაში,  
 ჩრდილო-შტატების „კალიფორნია“,  
 თვით ამ ედემში, კარებ-ლიაში,  
 ვიყავი, მარა იქ არ მიგრძენია,  
 რაც შენით ვიგრძენე და განვიცადე.  
 თვალთა წარმტაცი სიტურფის ჯადო,  
 გულთა მხიბლავი გონების ბადე,  
 შენ არ გაკლია ბუნების ჯილდო,  
 მარა გაკლია პატრონის ხელი,  
 არც გზა და კვალი, არც მწყემსის თვალი,  
 ნახირს მოუცავს მთა-ტყე და ველი,  
 წვიმა ნაძვის ტყის ზღაპრული ფორმით,  
 სხვათა ხის მზგავსი ედემს რგულისა  
 უმხეთოთ ნაკაფი ვერაგი ხელით,  
 უხმოთ მომწყვეტი გრძნობა-გულისა.

ნახულის მგმობელ მნახველისათვის,  
 აწუ გაკვეთილად უნდა კმაროდეს,  
 რომ მცველმა შენმა შეცდომა კვალად  
 არ ჩაიდინოს შენთან აროდეს.

ნუთუ საღათას თავს ვერ დაახწევს  
 შენი გუშავი თვალბ მძინარე,  
 მიუშვი მასზე მოსაფხიზლებლათ  
 შენი გიჟმაფი „ბახვის“ მდინარე,  
 რომ გაბრუებულს დაჰბანოს პირი  
 ვერცხლის ძეწკვების ნაკადულითა  
 და მოუყვანოს თვალში სინათლე,  
 დაგეპატრონოს იქნებ გულითა.


შენ ფიქრთა ნისლით თვალბ აბმული  
 დააზიარე „გურიელთ-წყარო“,  
 ვინ იცის შემდეგ სიცოცხლე თვისი  
 და მოვლაც შენი „ქე“ მოაგვაროს...

დიდო საუნჯევე კაცთა ცხოვრების  
 დაუშრეტელო სიცოცხლის წყაროვე,  
 უკურნებელი სენის მკურნალო,  
 ედემის მსგავსო ჩემო ბახმარო!

შენს სალოცავათ მოვალ ყოველ წელს,  
 ვითა ხატობა რელიგიური,  
 რომ განვიწმინდო სენთა ცოდვები,  
 ნაცვლათ მივილო ძალი ციური,  
 მიილე მონის თაყვანისცემა,  
 აწ შენის ნახვით მოხიბლულისა,  
 ტკბილო ოცნებებ უზრუნველთათვის  
 ნეტარ-მალამოვე სნეულთ წყლულისა...

უმაგალითოს ამ შენს ბუნებას  
 ვინატრი აჩნდეს კულტურის ხელი;  
 მე აგი მინდა ვით მრწამსი წმინდა,  
 ვით ახალს ძველი მე ამას ველი...

ბუტუნა.



## კვალი შეგობარი

ოჰ, როგორ გამეხარდა, ღმერთო ჩემო, რო-  
 გორ გამეხარდა!!! ჩემი დაბადება არ გამხარებია  
 ისე, როგორც იმის დანახვა. და ვინ დავინახე, ღმე-  
 რთო ჩემო, ვინ დავინახე!!! მიხეილის პროსპექტზე  
 რომ არ ვყოფილიყავ, სწორეთ სიზმარი მეგონებო-  
 და, მაგრამ... აბა მიხეილის პროსპექტზე მძინარეს  
 ვინ წამომიყვანდა?! სიხარულითაგან გულმა ცახცახი  
 დამიწყო; მოვრთე ხტუნაობა, ყვირილი, ტაშის  
 ცემა... სიხარულმა კინაღამ გამაგიჟა. ჩემს ყურებს  
 აღარ ვუჯერობდი. რამდენიმეჯერ კიდევაც მაგრა  
 გამოვიჩიჩქნე: იქნება სხვა ვინმეს ვხედავ და ყურები  
 მატყულილებენ მეთქი! მაგრამ ამაოდ!..



აბა თუ გამოიცნობ, ვინ დავინახე? ვინ გაახარა ასე უზომოთ ჩემი გული? ვერა? ვერ მიხვდი? რასაკვირდელია ვერ მიხვდები! აბა შენ რას მოიფიქრებ, თუ ის გმირი, რომლის მეკრდს ორი ვეებერთელა ვარსკვლავი ამშვენებს, როდისმე ჩემი ერთგული მეგობარი იქნებოდა? შენ რას მოიფიქრებ, თუ მე აქ ჩემ ძველთა-ძველ მეგობარს, ილიკოს შევხვდებოდი, იმ ილიკოს, რომელიც აგერ ექვსი თვეა არ მინახავს. ოჰ, ძალიან გამეხარდა, ძალიან!

ვიდრე მე სიხარულისაგან გონს მოვიდოდი, ის კარგა შორს წასულიყო. მოვიკრიფე ძალ-ღონე გამოუდევქი ჩემს ილიკოს და თუმცა სიხარულისაგან ღონე მიხდილი ვიყავი, მაინც ჩქარა დავეწიე...

ილიკო! ილიკო! ინსტიქტიერათ მივიძახე და მაშინვე მომაგონდა, რომ ასე დაძახება არ შეიძლებოდა. აბა ვის გაუგონია პრაპორჩიკს „ილიკო“ დაუძახო? ჩემი ბედი, არ გაუგონია, თორემ ხომ „ამაკატლეტებდა“!.. დასწყევლოს ღმერთმა! აი უბედურება: მამის სახელიც სწორეთ ახლა დამავიწყდა! ილიკო სულ... არა ილიკო პეტროვიჩი... პეტროვიჩი.

— ილიკო პეტროვიჩი!.. ილიკო პეტროვიჩი! ისეთი ხმით დავიყვირე, რომ ყრუც მიხვდებოდა დიდისა და მოულოდნელი სიხარულით ვიყავი აღტყინებული. ჩემი ილიკო პეტროვიჩი შეჩერდა; გაისმა მომჯადოებელი ხმალ-ღეზთა ჩხაკუნის, პირი ჩემსკენ იბრუნა.

— საიდან? როგორ, — ჩემო ილიკო? ოჰ, რომ იცოდე როგორ გამეხარდა!.. მივეგებე მეგობარს და მოვემზადე გადასახვევათ, მაგრამ... იმან ისე მრისხანეთ შემომხედა, კინალამ იქვე დავეცი...

— გამარჯობა კაცო! ველარა მცნობ?..

— პოშოლ ვონ, ნევალიაი! ..

— ილიკო პეტრ...

— მალჩატ ილიოტ! კაკოი ტი პრავა იმეიშ მენე ასტანავიტ? ა? — დამიღრიალა გულის სწორმა, ერთიც რიგიანათ... და გასწია თავის გზაზე. მე გაეშეშდი. როცა გონს მოვედი კვლავ გამოვუდევქი და მალეც დავეწიე.

„უსათუოდ ქართული დაავიწყდებოდა, არ ესმის ჩემი ლაპარაკი“ გავიფიქრე გუნებაში და მყის გამოვაცხადე მობილიზაცია მთელი ჩემი რუსული სიტყვებისა და ისე მივმართე მეგობარს.

— რაზი ვი მენე ნი უხნაიოშ, ილიკო პეტროვიჩი?

— უბირაისა ვონ! ნილადაი! ჩიგო ტი პრისტალ? ბალვან! — კიდევ დამიღრიალა ილიკომ და თანაც ისე მაგრა დაატყაპუნა ფეხები, რომ სხვა, სუსტი გულის პატრონი, შიშით წაიქცეოდა. ცოტა მეც შეეფიქრიანდი. სიტყვა „პრისტალ“ მა გული გამიხეთქა. „თუ მართლა დაუძახა პრისტავს, ჩემი საქმე ცუდათ წავა: ბაშფორტს გუშინ წინ ვადა გაუვიდა და უსათუოდ ციხეში ჩამსვამენ“ მეთქი გავიფიქრე და დაუწყე ხვეწნა ვედრება...

— რადი ბოლა, ვაში ბლადაჯოდია გასპადინ პრაპორჩიკ, რადი ბოლა პრისტავნი პაზავიტ! მე თითონ პაილომ... ვეხვეწებოდი და ვაპარებდი კიდევ დაჩოქებასა და ფეხებზე კოცნას, მაგრამ ამ დროს უცებ ერთმა მშვენიერმა, მოკლე კაბით მორთულმა ბარიშნამ გაგვირბინა, და ჩემი ნამეგობრალის ყურადღება მსწრაფლ წარიტაცა. ის რომ არ ყოფილიყო, ვინ იცის რა დამემართებოდა. ჩემ მეგობარს ერთი ფეხი და ელვა მოთპინებაში და თუ ისიც ამოელა, შენი მტერია კაი დღეს არ დამაყენებდა. ახლა-კი, ყურების აწვევაც მაკმარა. ისე მაგრა ამიწია ორივე ყურები, რომ კინალამ დამავლიჯა... რაღა კინალამ, დღესაც ექიმთან დავდივარ. სირცხვილმა დამავიწყა ტკივილი. მივიხედ-მოვიხედე ხომ არაგინ დამინახა მეთქი და უნდა გავტყუოლიყავი მაგრამ... სად გაიქცევი, მთელი ქუჩა სულ სიცილ-ხარხარათ იყო ნაქცევი. იცინოდა: ქალი, კაცი, დიდი, პატარა, ქვები და კედლებიც. ავიფარე პარზე ხელები და მოვკუცხლე შინისაკენ. სირბილისაგან დაღლილ დაქანცული, სახლში მისვლისათანავე უგონოთ ძირს დავეცი.

როცა გონს მოვედი მომაგონდა ის დროც, როდესაც მე და ილიკო ერთგული მეგობრები ვიყავით, როდისაც ერთმანეთს ხშირათ ვეუბნებოდით: „უშენოთ ერთ საათსაც ვერ გავძლებო“.


— „ეხ, ჩემო ილიკო — ფიქრობდი მე — ნუთუ დაგავიწყდა ჩენი მეგობრობა, ერთგულობა, სიყვარული? ნუთუ დაგავიწყდა ის დრო, როდესაც მოხვიდოდი და მეტყობდი: — „ბიჭო, ცოტა რამე გროშები მომეცი, პურის ფული არა მაქვს“ —ო? ნუთუ აღარ გახსოვს ჩენი პურ-მარილი? ერთად რომ მეხაზე ივანიკასთან გემრიელ ხაშს შევექცეოდით? ნუთუ... მაგრამ არა! ამის დავიწყება შეუძლებელია! აი ახლა-კი მივხვდი საქმე რაშია? არის! საქმე იმაშია, რომ ილიკოს ყველაფერი კარგათ ახსოვს, მაგრამ იმ ბჭყვრილა გარეგნობას მისთვის თვალის



ჩინი წაურთმეგია, და ველარ მიცნო. ეჰ, ჩემო ილიკო! კიდევაც ის დრო სჯობდა, როცა შენ ფეხები შიშველი, სამოსი რუხი და ჩამოგლეჯილი, მაგრამ თვალები სალი გქონდა. მაშინ მეგობრებს მაინც სცნობდი. ახლა-კი... ოჰ ღმერთო, რა ცუდი დრო დაგვიდგა, რა ცუდი!! ახლა სიცოცხლეს სიკვდილი სჯობია! კიდევაც მოვიკლავდი თავს, მაგრამ მეშინიან, ძალიან მეშინიან იმ ოხერი ჯოჯოხეთისა! ჩემის ყურებით არ მენახა, იქნება კიდევ გამებედა თავის მოკვლა, მაგრამ...

ამით დასრულდა ჩემი ფიქრები! ტკბილსა ძილმა მაგრა მომხვია თავისი ძლიერი მკლავები...

გიორგი.



## მსაჯულთან

— ბატონო მსაჯულო! უკანასკნელი სიტყვა დამეაშავეს ეკუთვნის, ნება მომეცით ვისარგებლო ამ ჩვეულებით. საქმის ვითარება ასე იყო. ოთხ საათზე მატარებლით ჩამოველ ქალაქში აგარაკიდან. მეტათ კარგ გუნებაზე ვიყავ! თქვენც გეცოდინებათ, თუ რა კარგ გუნებაზე დადგება კაცი, როდესაც ცოლს აგარაკში გააბნავენ, მეტადრე იმისთანა ექვიანს, როგორც ჩემი ძვირფასი მეუღლეა. უკაცრავათ დიად, დიად არ გადაუხვევ საგნიდან... ჩემთვის არ არის საჭირო მაგნიარი შემობღვერა. ჰო, და ჩამოვხტი მატარებლიდან. მეტის სიხარულით რაღაც სიმჩატესა ვგრძნობდი. ქუდი კეფაზე მოვიდევ და ღიღინით შეველ პირველი კლასის ბუფეტში, ღიღინითვე გამოვსწიე სკამი და მიუჯექ სასადილო მაგიდას. აღარ ნახსოვს რასა ვლიღინებდი... ჰო, მართლა:

ნინა, ნინა ჩემო ნინა

გათხოვება ხომ არ გინდა.

— მეგობარო, აბა ერთი სადილი გამიწყე-კობტა, ლაზათიანი სადილი! მივმართე მე თეთრ ტანსაცმელში გამოწყობილ მსახურს, რომელმაც ჩემს გვერდით გაიცუნდრუკა.

— ახლავე ბატონო! იყო პასუხი. მეც დავიწყე ცდა. მოვიგონე ჩემი ნაცნობი ქენია, ვარია, მარო, დარო და სხვანი, რომელთანაც ვატარებდი

მოლხენას ცოლის უშიშრად. ამ ფიქრებში ოცმა წუთმა სწრაფად გაიარა... კვლავ მივმართე მსახურს.

— კაცო, თუ შეიძლება მომიტანე სადილი.

— ახლავე... სიტყვა „ბატონო“ დარბაზის მეორე კუთხეში-ლა დაათავა.

ჩემს გვერდით ორმა წყება პრაპორჩიკობამ ისადილა. მე დავთვალე ყველა ბუფეტში მყოფი პირნი, ჩემს პირდაპირ მოსადილეზე დავთვალე თუ რამდენი კოვზი წვენი ეტევა შვათანა თეფშზე; დავთვალე, თუ რამდენი ელექტრონის ლამფა ეკიდა მთელს დარბაზში. ნახევარ საათი ამაში გავატარე. შემდეგ კვლავ მივმართე ლაქიას.

— შე ოჯახკეტიანო, ნუ მომკალი მშვიერი მიჩქარება! მომიტანე რამ საქმელი.

— ახლავე, ჩემო ბატონო! იყო პასუხი.

ხომ ხედავ, ბატონო მსაჯულო, თუ რა მოთმინების პატრონი ვყოფილვარ. შემდგომ კიდევ ნახევარი საათი მთქნარებაში გავატარე. იანგარიშეთ წუთში ორი მთქნარება. და ამის შემდეგ როგორ უნდა მოვქცევილიყავი, ბატონო მსაჯულო? ხომ უნდა მეძრო ჯიბიდან რევოლვერი და მეტყორცნა ტყვია ჯერ ბუფეტის პატრონისათვის. ხოლო შემდგომ ჩემი მტანჯველი მოსამსახურისათვის, რომელიც სადილის მაგიერ „ეხლავე ბატონო“თი მიმასპინძლდებოდა. არა, მე ასე არ მოვქცეულვარ.

როდესაც, კიდევ ნახევარი საათის ლოდინის შემდეგ, მომიტანა მსახურმა წვნით სავსე თეფში და აპირებდა გაბრუნებას, მე შევჩიერე იგი, ახლო მოვიყვანე, თავი დავხრევი, ვითომდა სათქმელი მქონდა რომ, და თეფში შიგ თავში დავახალე.

და აი, ამისთვის მომიყვანეს თქვენთან, ბატონო მსაჯულო! კარგი იქნებოდა, რომ წვენი ჩვეულებრივად ყინულივით ცივი არ ყოფილიყო და ქათამსავით გაეფუფქა ჩემი მტანჯველი.

ახლა თქვენ იცით, ბატონო, მსაჯულო! მე ყველაფერი ვსთქვი, რაც მეთქმოდა.

მსაჯულმა იგი გაამართლა.\*)

გუგულო.

\*) მსაჯულს გაჩნია!



# მოსსენება

## ლექსური

გვაქვს მხოლოდ ერთი კოპერატივი,  
 მით გვინათლდება გული და სული,  
 თავის რიგზეა სულ ყველაფერი,  
 შენობაც დავდგით გრძელი და სრული.

გამგეობა ხომ ჰყავდა და ჰყავდა  
 სალი პრინციპის მაჩარებელი.  
 კეთილი შრომითა და სისწორითა  
 იმათ შეუწყვეს ღუქის ზრდას ხელი.

მაგრამ არჩევანთ დრო რო მოვიდა  
 გამგეთგან დარჩა ორიოდ ძველი.  
 მესამეთ იქმნა სხვა არჩეული  
 ამა საქმისთვის არ სასურველი...

და იმ დღიდანვე მიჰყო მან ხელი  
 საქმისა დაშლას, და წახთანასა  
 ამ საზარლო გრძნობით და მიზნით  
 აქარტალებდა ბოროტ ენასა...

მაგრამ ბევრი დრო არც მას დასცალდა,  
 კვლავ კრება იქნა მუნ მოწვეული,  
 და კეთილ საქმის ამსვრელ დამსვრელი  
 უმაღვე იქმნა უკუქცეული.

ქვა ზე დანათეს ვერვინ მოიძვის!  
 ან ანწლში თაფლი ვის მოუნახავს?  
 და ავი კაცი კარგ საქმეშიაც  
 ცუდს და მავნებელ გზას გამონახავს“.

ნანა.

# გულაუთი

დია ეშმაკი თუ მწყალობს,  
 მტერი დამაკლებს ვერასა,  
 ვისაც სიმართლე არა აქვს  
 ნუ ელის ხსნას და შევლასა.

პირველათ ვაქრებს ვეწვიოთ,  
 ეშმაკის ძმას და აქარსო,  
 და გავაფრთხილოთ, ნუ მალევენ  
 სახლში ფუთობით შექარსო.

თანაც გვიბრძანონ: მანათი  
 რათ მიაქეთ აბაზიანში,—  
 და თუ პასუხა არ მოგვეცენ,  
 გამოვიყვანოთ მიზანში.


შემდეგ კი დაბის მამები  
 ჩვენ უნდა ვინახულოთა,  
 მიუმღერ-მიუღიღანოთ  
 მეგობრათ დავიგულოთა.

ვკითხოთ: რათ არის ეს დაბა  
 უწყლობით განაწამები?  
 ან სისუფთავეს რათ ჰკლავენ  
 სასანიტარო გვამები?

აჩკოსანს ისე, შორიდან,  
 ღიღინით შემოვუაროთ  
 და მასაც, კუდი მათრახის,  
 ვაგემოთ, გაუზიაროთ.

თან დავაბაროთ: საქმეში  
 ნუ იცის, შენ ჩემობია  
 და სიტყვის გადაბრუნებას  
 თავი ანებოს, სჯობია.

„ოსმან ალა“





# დ ე ვ ე შ ე ზ ი

**მ.წი.** ახლო მომავალში ჩვენი ხუცეს-კოპერატორი ლონგინოზ კიკვიძე წაიკითხავს საყურადღებო ლექციას შემდეგ თემაზე: 1) სიმინდის მაგიერ კამფეტის შემოტანის მოწყობა რაქაში. 2) როგორ უნდა გაიყიდოს კამფეტი ფქვილის მაგიერ ონის კოპერატიულ დუქანში. 3) კამფეტი და მისი აუცილებელი საჭიროება რაქველი გლეხკაცობისათვის. 4) ეს დეკების უსაფუძვლო მტრული განწყობილება კამფეტთან. 5) კამფეტი როგორც შიმშილის წამალი.

**იქიდანვე.** შესდგა ხუცების კავშირი. კავშირის მიზანია კოპერატიულ მოძრაობის გარშემო ლექციების კითხვა. ჯერ-ჯერობით წვევრებათ და ლექტორებათ ჩაეწერენ: მამა ლონგინოზ კიკვიძე, მამა ვლადიმერ ფოფხაძე და მამა ფილიპე გოცირიძე.

**მ.წი.** ხუცეს-კოპერატორმა ლონგინოზ კიკვიძემ ლექცია წაიკითხა შემდეგ თემაზე: „ეს-დეკები და მათი უარყოფითი დამოკიდებულება კოპერატიულ მოძრაობასთან. დაესწრენ ვლადიმერ ფოფხაძე და ფილიპე გოცირიძე.“

**ამბროლაშრამი.** საჭიროა გამოცდილი ლექტორ-კოპერატიულ მოძრაობაზე ლექციის წასაკითხვათ. მოკლიან ლონგინოზ კიკვიძეს.

მ.წ...

## ზუზუნას სააგენტო

(რადიო აპარატებიდან)

**სუფსა.** დედაკაცთა არმიამ ალღუმი მოახდინა, შემდეგ გაიმართა ბჭობა „ვაქართა ძალადობისაგან“ თავდაცვაზე. ჯარმა მიიღო შემდეგი რეზოლიუცია: წინადადება მიეცეს სუფსელ ვაქრებს დაიყვანონ საქონლის ფასები მინიმალურ ნორმამდე, წინააღმდეგ შემთხვევაში ბოიკოტი ვაქრებს. აგრეთვე წინადადება მიეცეს მეწისქვილე შარაშიძეს „მინდი“ (წისქვილის ქირა დაფქვაში) 9 გირ. სიმინდის მაგიერ 15 კაპ. მემამულეებს საძოვარი ბაჟი 3 მანეთის მაგიერ 50 კაპ. აირჩიეს დეპუტაცია ზემოხსენებულ კითხვების სისრულეში მოსაყვანათ.

**იქიდანვე.** ქალთა მოძრაობა გაიგო ბოქაულმა და შეუდგა მოთავეების ძებნას. გაიგო რა ეს დედაკაცთა შტაბმა, მოიხმარა მანდილოსნური ზრდილობა და ბოქაული რომ არ შეწყუბუღულიყო მე-

თაურთა ძებნით დედაკაცთა ჯარი თავისი შტაბით (500-ზე მეტი) გამოცხადდა საბოქაულო განყოფილებაში და მოითხოვა ბოქაული, რომელსაც მოახსენა „ჩვენ ქალები შორსა ვართ იმ აზრიდან რომ დარბევა მოვახდინოთ, მარა მოვითხოვეთ საზღვარს ვაქრების მაღაზე დასადებათ წინააღმდეგ შემთხვევაში, ბოიკოტი ვაქრებს“ თუ ამისათვის ვინმეს დაქერაა საჭირო გთხოვეთ ყველანი დაგვაპატიმროთ“. ბოქაულმა უხერხულობა იგრძნო და მომენტის შესაფერათ ალუთქვა ქალებს დახმარება.





# ფ მ ს ტ ა

**ჩრჩილს.** შარაღა არ დაიბეჭდება, ვინაიდან მაგ თე-  
მაზე და თითქმის მაგ სიტყვებით აგებული შარაღა უკვე იყო  
მოთავსებული ჩვენს ჟურნალში.

**შხანკოლას.** სცენა ვერ დაიბეჭდება.

**კისერას.** ღირს განა ჩიტი ამდენ ღვეწათ და შემდეგ  
ბღღვენათ? მოიწერეთ სხვა თემაზე.

**ჩიას.** ეყოფა მიხონ ლომამძეს, რაც მასზე ითქვა.  
**გიორგის.** „ეშმაკის მათრახის“ რედაქცია გთხოვთ შე-  
იაროთ ელისაბედის ქუჩაზე № 132. ბინა 6.

**მუხლუხოს.** ამას ჰქვია „ქარიშხალი ერთ ტიქა წყალ-  
ში“. გეცნობებით მაინც: ვისზე, რისთვის და რა მოსაზრებით  
დაიხარჯა ამდენი ენერგია, მელანი და ქაღალდი?

**ბ-ნ ცხვირაძეს.** ცხვირი რაც უნდა გრძელი იყოს,  
მის გადაღმა მაინც ბევრი ადგილი რჩება და საჭიროა ხოლმე  
შემოკლება. აი ახლაც მთელი წინა ოთხი ტაეპი მეტია.

## ტყუილათ ნუ ირჯებოთ!

ქუთაისის ქალთა წრის მიერ დაარსებული საჩაიე

„მმურს დასმარებაში“

აგზაგანაღი გათავლა.

ღიასახლისებმა უველამ „დუოიკები“ მიიღეს.

## ა მ ი ზ ო მ

მოძავალი სამოსწავლო წლიდან ვაკანსიები აღარ იქნება:

ძველი ღიასახლისები „გტარაკოდნიცებათ“ დარჩებიან

ამ პანიკულაგა საჩაიე დაკუთლინ.

„მეზობელი“.



